

T-4

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 23. sjednici, održanoj dana 09.06.2023. godine, d o n o s i

ZAKLJUČAK

I.

Utvrđuje se Nacrt Zakona o javnim priredbama.

II.

Nacrt Zakona iz tačke I. ovog zaključka se upućuje u dalju skupštinsku proceduru.


III.

Zaključak stupa na snagu danom donošenja.

Broj: 02-02-9543/23
Datum, 09.06.2023. godine
Zenica

DOSTAVLJENO:

1x Ministarstvo unutrašnjih poslova,
 1x Stručna služba Skupštine,
1x a/a.



N A C R T

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na ____ sjednici održanoj dana _____ 2023. godine, d o n o s i:

Z A K O N O JAVNIM PRIREDBAMA

DIO PRVI - OPĆE ODREDBE

Član 1. (Predmet)

Ovim zakonom propisuje se način organizovanja javne priredbe na području Zeničko -dobojskog kantona.

Član 2. (Definicije)

Pojedini izrazi upotrijebljeni u ovom zakonu imaju sljedeće značenje:

- a) " javna priredba" je priredba organizovana u skladu s ovim zakonom;
- b) " blizina objektima" je udaljenost 50 metara od objekata koji su definisani ovim zakonom;
- c) " dodatne mjere osiguranja" su mjere koje preduzimaju policijski službenici na osiguranju javne priredbe koje su izvan redovnog vršenja policijskih poslova;
- d) " naročito opravdani razlozi" su razlozi koje organizator javne priredbe ne može predvidjeti u vrijeme organizovanja javne priredbe.

Član 3. (Supsidijarna primjena zakona)

U pitanjima koja nisu uređena ovim zakonom, supsidijarno se primjenjuje Zakon o upravnom postuku ("Službene novine Federacije Bosne i Hercegovine", broj: 2/98, 48/99 i 61/22).

DIO DRUGI - JAVNA PRIREDBA POGLAVLJE I. OPĆE ODREDBE

Član 4. (Javna priredba)

- (1) Javna priredba je okupljanje lica radi ostvarivanja prihoda u okviru registrovane djelatnosti koje, s obzirom na očekivani broj učesnika ili karakter održavanja, zahtijeva preduzimanje dodatnih mjera osiguranja.
- (2) Javne priredbe mogu se organizovati na otvorenom ili zatvorenom prostoru namijenjenom ili pogodnom za njihovo održavanje.

Član 5. (Prostor za održavanje javne priredbe)

- (1) Prostor za održavanje javne priredbe je javno mjesto koje je pristupačno i pogodno za okupljanje lica čiji broj i identitet nije unaprijed određen i na kojem okupljanje lica ne dovodi do ugrožavanja

prava drugih lica, javnog morala, sigurnosti i zdravlja ljudi, sigurnosti imovine i ometanja javnog saobraćaja.

(2) Gradsko odnosno općinsko vijeće donosi odluku o određivanju prostora iz stava (1) ovog člana.

POGLAVLJE II. PRIJAVA JAVNE PRIREDBE

Član 6.

(Prijava za održavanje javne priredbe)

- (1) Organizator javne priredbe (u daljnjem tekstu: organizator), odnosno njegov zastupnik, dužan je podnijeti prijavu za održavanje javne priredbe (u daljnjem tekstu: prijava javne priredbe).
- (2) Prijava javne priredbe podnosi se nadležnoj policijskoj stanici najkasnije sedam dana prije početka održavanja.
- (3) Prijava javne priredbe sadrži:
 - a) podatke o cilju, mjestu, datumu i vremenu održavanja i trajanju javne priredbe,
 - b) naziv i sjedište organizatora i lične podatke odgovornog lica, odnosno zastupnika ako je organizator više pravnih lica ili grupa građana, ime i prezime i jedinstveni matični broj ako je organizator fizičko lice,
 - c) lične podatke rukovodioca javne priredbe,
 - d) spisak redara sa njihovim ličnim podacima,
 - e) podatke o mjerama koje organizator preduzima za održavanje reda i mira,
 - f) procjenu broja učesnika i
 - g) druge podatke od interesa za sigurno i nesmetano održavanje javne priredbe.
- (4) Ako se javna priredba održava na površini javnog puta, zbog čega bi saobraćaj bio obustavljen ili ometan, organizator je uz prijavu dužan priložiti i odobrenje nadležnog organa u skladu sa odredbama Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj: 06/06, 75/06, 44/07, 84/09, 48/10, 18/13, 08/17, 89/17 i 09/18).

Član 7.

(Procjena uslova za održavanje)

- (1) Nadležna policijska stanica na osnovu podataka iz prijave javne priredbe i drugih okolnosti procjenjuje da li su ispunjeni uslovi za sigurno održavanje javne priredbe.
- (2) Ako mjere osiguranja koje je utvrdio organizator, prema procjeni policije nisu dovoljne, policijska stanica pismeno nalaže organizatoru da preduzme dodatne mjere osiguranja, u roku koji ne može biti kraći od 24 sata.

Član 8.

(Zabrana održavanja javne priredbe)

- (1) Nadležna policijska stanica će rješenjem zabraniti održavanje javne priredbe, ako:
 - a) nije blagovremeno i uredno prijavljena,
 - b) organizator ne sprovede mjere iz člana 7. stav (2) ovog zakona,
 - c) je prijavljena na prostoru koji nije namijenjen ili nije prikladan za održavanje javne priredbe i
 - d) postoji stvarna opasnost da bi održavanjem javne priredbe bila ugrožena sigurnost i zdravlje ljudi i životne sredine, imovina ili bi došlo do stvarne opasnosti od nasilja ili narušavanja javnog reda i mira u većem obimu.
- (2) Rješenje iz stava (1) ovog člana donosi se i dostavlja najkasnije 48 sati prije održavanja javne priredbe.

Član 9. **(Žalba na rješenje)**

- (1) Protiv rješenja iz člana 8. ovog zakona organizator može izjaviti žalbu.
- (2) Žalba se podnosi ministru Ministarstva unutrašnjih poslova Zeničko-dobojskog kantona (u daljnjem tekstu: ministar) putem nadležne policijske stanice.
- (3) Žalba ne odlaže izvršenje rješenja.
- (4) Rješenje po žalbi se donosi i dostavlja organizatoru najkasnije u roku od 24 sata od prijema žalbe.
- (5) Ukoliko ministar u utvrđenom roku ne odluči po žalbi, može se održati javna priredba.
- (6) Organizator je dužan odmah po prijemu rješenja kojim se zabranjuje održavanje javne priredbe obavijestiti javnost o tome i po mogućnosti ukloniti javno istaknuta obavještenja o održavanju javne priredbe.
- (7) Protiv rješenja iz stava (4) ovog člana može se pokrenuti upravni spor pred kantonalnim sudom.

POGLAVLJE III. OBAVEZE

Član 10. **(Organizator)**

- (1) Organizator je pravno ili fizičko lice koje u skladu s ovim zakonom organizuje priredbu.
- (2) Organizator je dužan:
 - a) odrediti rukovodioca javne priredbe;
 - b) osigurati red i mir na javnoj priredbi;
 - c) odrediti i osigurati dovoljan broj redara na javnoj priredbi;
 - d) preduzeti odgovarajuće mjere medicinske zaštite i zaštite od požara;
 - e) omogućiti neometan prolazak vozilima policije, hitne pomoći i vatrogasnim vozilima.
- (3) Organizator može obavljanje poslova na održavanju reda i mira povjeriti agenciji za osiguranje lica i imovine.

Član 11. **(Rukovodilac javne priredbe)**

- (1) Rukovodilac javne priredbe je lice koje vrši nadzor nad održavanjem javne priredbe i usmjerava rad redara.
- (2) Rukovodilac javne priredbe je dužan:
 - a) preduzeti potrebne mjere radi osiguranja reda i mira na javnoj priredbi;
 - b) prekinuti javnu priredbu ako nastupi stvarna opasnost za sigurnost učesnika javne priredbe i imovinu.
- (3) Rukovodilac javne priredbe može nastaviti prekinutu javnu priredbu ako su u međuvremenu otklonjene okolnosti iz stava (2) tačke b) ovog člana.

Član 12. **(Redar)**

- (1) Redar je fizičko lice određeno od organizatora koje štiti učesnike javne priredbe od ugrožavanja i imovinu koja se nalazi na prostoru na kojem se održava javna priredba od uništavanja.
- (2) Redar je za vrijeme obavljanja poslova održavanja reda i mira dužan:
 - a) usmjeravati kretanje učesnika na javnoj priredbi;
 - b) odmah obavijestiti policijskog službenika o učesniku javne priredbe koji nosi vatreno oružje ili predmete pogodne za nanošenje povreda;
 - c) izvršiti pregled lica koja ulaze u prostor na kojem se održava javna priredba,

- d) zabraniti ulazak u prostor na kojem se održava javna priredba osobi za koju se ocijeni da bi mogla remetiti red i mir, a posebno osobi u pijanom stanju,
- e) udaljiti lice koje remeti red i mir,
- f) odmah predati policiji lice koje teže remeti red i mir.

(3) Za vrijeme izvršavanja dužnosti iz stava (2) ovog člana, redar obavezno nosi prsluk fluorescentne boje ili istaknutu vidljivu oznaku s natpisom "redar".

(4) Redar ne smije nositi oružje ili predmete pogodne za nanošenje povreda, bilo kakvu uniformu ili dijelove uniforme.

Član 13.

(Obaveze policijskih službenika)

- (1) Poslove održavanja javnog reda i mira na prostoru koji se neposredno nalazi uz mjesto održavanja javne priredbe vrše policijski službenici.
- (2) Policijski službenici su dužni spriječiti ometanje ili onemogućavanje održavanja javne priredbe koja se održava u skladu sa odredbama ovog zakona.

POGLAVLJE IV. PREKIDANJE JAVNE PRIREDBE

Član 14.

(Sprečavanje i prekid javne priredbe)

- (1) Policijski službenici ovlaštteni su da spriječe ili prekinu javnu priredbu, ako:
 - a) je usmjerena na ugrožavanje Ustavom utvrđenog poretka;
 - b) se učesnici pozivaju govorom i pismenim transparentima ili podstiču na oružani sukob ili nasilje, kršenje zagarantovanih prava i sloboda čovjeka, nacionalnu, rasnu, vjersku ili drugu mržnju,
 - c) nastupi stvarna ili direktna opasnost od nasilja, uništavanja materijalnih dobara ili drugih oblika narušavanja javnog reda i mira u većem obimu,
 - d) nastupi stvarna ili direktna opasnost po zdravlje učesnika ili drugih ljudi,
 - e) njegovo održavanje nije blagovremeno i uredno prijavljeno, ako je prijavljivanje obavezno ili je zabranjeno,
 - f) se održava na mjestu koje nije navedeno u prijavi,
 - g) je neko od učesnika naoružan i
 - h) redari ne mogu održati red i mir na javnoj priredbi,
 - i) ako se javna priredba održava na prostoru suprotno odluci iz člana 5. stav (2) ovog zakona.
- (2) Naredbu o prekidu javne priredbe policijski službenik izdaje rukovodiocu javne priredbe.
- (3) Rukovodilac javne priredbe dužan je učesnicima javne priredbe saopštiti da je javna priredba prekinuta i zatražiti da se mirno razidu.

Član 15.

(Zabrana unošenja oružja, opasnih predmeta i alkoholnih pića)

- (1) Učesnicima javne priredbe, kao i licima koja se kreću prema mjestu održavanja javne priredbe, zabranjeno je nositi oružje, predmete pogodne za nanošenje povreda i alkoholnih pića.
- (2) Učesnici javne priredbe dužni su postupati po uputstvima organizatora, rukovodioca i redara javne priredbe.

Član 16.
(Nadoknada štete)

Organizator javne priredbe odgovara za štetu koju su pričinili učesnici javne priredbe na objektima ili prostoru iz člana 5. stav (2) ovog zakona, prema načelu objektivne odgovornosti.

DIO TREĆI - PREKRŠAJNE ODREDBE

Član 17.
(Novčane kazne za organizatore javne priredbe)

- (1) Novčanom kaznom od 3.000 KM do 9.000 KM kaznit će se za prekršaj organizator javne priredbe - pravno lice, ako:
 - a) održi javnu priredbu bez prijave, a prijavljivanje je obavezno (čl. 6. stav (1)),
 - b) održi javnu priredbu suprotno prijavi u pogledu povoda, svrhe, mjesta i vremena održavanja (član 6. stav (3)),
 - c) održi javnu priredbu suprotno rješenju policijske stanice o zabrani održavanja (član 8),
 - d) postupi suprotno članu 10. stav (2),
- (2) Novčanom kaznom od 500 KM do 1.500 KM, kaznit će se organizator javne priredbe - fizičko lice, za prekršaje iz stava (1) ovog člana.
- (3) Novčanom kaznom od 500 KM do 1.500 KM kaznit će se odgovorno lice u pravnom licu, za prekršaj iz stava (1) ovog člana.

Član 18.
(Novčane kazne za rukovodioca javne priredbe)

Novčanom kaznom od 500 KM do 1.500 KM kaznit će se za prekršaj rukovodilac javne priredbe, ako:

- a) ne postupi po odredbama člana 11. stav (2) tačka a) i b) ovog zakona,
- b) učesnicima javne priredbe ne saopšti da je javna priredba prekinuta i ne zatraži od istih da se mirno razidu (član 14. stav (3)).

Član 19.
(Novčane kazne za redare)

Novčanom kaznom od 200 KM do 600 KM kaznit će se za prekršaj redar na javnoj priredbi, ako:

- a) ne preduzme mjere utvrđene odredbama člana 12. stav (2) ovog zakona,
- b) ne nosi prsluk fluorescentne boje sa vidljivim natpisom "REDAR" (član 12. stav (3)),
- c) nosi oružje ili predmete pogodne za nanošenje povreda, bilo kakvu uniformu ili , dijelove uniforme (član 12. stav (4)).

Član 20.
(Novčane kazne za učesnike)

Novčanom kaznom od 200 KM do 600 KM kaznit će se za prekršaj fizičko lice, ako:

- a) kao učesnik javne priredbe postupi suprotno rješenju policijske stanice o zabrani održavanja javne priredbe,
- b) kao učesnik javne priredbe postupi suprotno odredbama člana 15. ovog zakona

DIO ČETVRTI - PRIJELAZNE I ZAVRŠNE ODREDBE

Član 21. (Započeti postupci)

Svi postupci koji do dana stupanja na snagu ovog zakona nisu pravosnažno okončani završit će se po odredbama Zakona o javnom okupljanju (" Službene novine Zeničko-dobojskog kantona", broj: 10/16).

Član 22. (Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Zeničko – dobojskog kantona".

Broj _____
Zenica, _____

PREDSJEDAVAJUĆI SKUPŠTINE
Dejan Kovačević

O B R A Z L O Ź E N J E

I PRAVNI OSNOV

Pravni osnov za donošenje Zakona o javnim priredbama sadržan je u odredbi člana 37. stav 1. tačka f) Ustava Zeničko-dobojskog kantona kojim je propisano da Skupština Kantona donosi zakone i druge propise za izvršavanje kantonalnih nadležnosti.

II RAZLOZI ZA DONOŠENJE ZAKONA

Osnovni razlog za donošenje ovog Zakona jeste činjenica što će se Zakon o javnom okupljanju Zeničko-dobojskog kantona koji je trenutno na pravnoj snazi u Zeničko-dobojskom kantonu, donošenjem novog Zakona o mirnom okupljanju staviti van snage, a isti je u svojim odredbama tretirao i materiju javnih priredbi. Pored naprijed navedenog razloga za donošenje ovog zakona je i preporuka Misije OSC-a u Bosni i Hercegovini koja je u svom mišljenju na Nacrt Zakon o mirnom okupljanju preporučila da se sva okupljanja koja za cilj imaju stvaranje prihoda, kao što su zabavni nastupi, muzički i drugi kulturni događaji koji ne uživaju isti stepen zaštite, pripremi poseban zakon, a što je u skladu sa Smjernicama o slobodi mirnog okupljanja Venecijanske komisije.

U proceduri normiranja predloženog teksta korištena su iskustva Brčko Distrikta Bosne i Hercegovine, koji je u 2021. godini usvojio Zakon o mirnom okupljanju, koji je po preporuci Venecijanske komisije usaglašen sa međunarodnim standardima.

III PRAVNA RJEŠENJA

Dio prvi: Opće odredbe (član od 1. do 3.)

U ovom dijelu Nacrta Zakona o javnim priredbama normiran je predmet zakona kojim se propisuje način organizovanja javnih priredbi na području Zeničko-dobojskog kantona, zatim osnovne definicije termina koji se koriste u ovom zakonu (javna priredba, blizina objektima, dodatne mjere osiguranja i naročito opravdani razlozi), te supsidijarna primjena Zakona o upravnom postupku Federacije Bosne i Hercegovine.

Dio drugi: Javna priredba (član 4. do 20.)

Poglavlje I - Opće odredbe

U članu 4. i 5. definisan je pojam javne priredbe, mjesta gdje se mogu organizovati javne priredbe (otvoreni i zatvoreni prostor) kao i šta predstavlja prostor za održavanje javne priredbe, te obaveza gradskih odnosno općinskih organa da donesu odluku o određivanju prostora za održavanje javnih priredbi.

Poglavlje II - Prijava javne priredbe

U članu 6. ovog zakona tačno je navedeno kada se prijava mora podnijeti, sadržaj podnesene prijave, odobrenje nadležnog organa ako se javna priredba održava na površini javnog puta koju je organizator dužan priložiti. Javna priredba se prijavljuje najkasnije sedam dana prije početka njenog održavanja.

U članu 7. propisana je procjena uslova za održavanje javne priredbe, koju vrši nadležna Policijska stanica, te nalaganje dodatnih mjera osiguranja organizatoru javne priredbe koje se moraju otkloniti u roku od 24 sata.

Članom 8. decidno su definisani slučajevi kada se može zabraniti održavanje javnih priredbi. Zabranit će se održavanje javne priredbe ako nije blagovremeno i uredno prijavljena, organizator ne sprovede propisane dodatne mjere, prostor nije namijenjen ili nije prikladan za održavanje javne priredbe, te postoji stvarna opasnost za ugrožavanje zdravlja ljudi i životne sredine ili bi došlo do narušavanja javnog reda i mira u većem obimu. U stavu (2) propisana je obaveza donošenja rješenja o zabrani održavanja javne priredbe u roku od 48 sati prije održavanja javne priredbe.

Članom 9. definisan je žalbeni postupak protiv donesenog rješenja iz člana 8. u kojem je propisano da se žalba putem policijske stanice podnosi ministru Ministarstva unutrašnjih poslova na rješavanje. Žalba ne odlaže izvršenje rješenja, a sam postupak je hitan i rješava se u roku od 24 sata od prijema žalbe. Ukoliko ministar u utvrđenom roku ne odluči po žalbi, može se održati javna priredba.

Poglavljju III - Obaveze

Članom 10. propisano je ko može biti organizatorom priredbe, te njegove dužnosti, a to su da odredi rukovodioca javne priredbe, da obezbijedi red i mir u toku održavanja javne priredbe, da osigura odgovarajući broj redara koji će osiguravati prostor, da preduzme odgovarajuće mjere medicinske zaštite i zaštite od požara, te da na mjestu gdje se održava javna priredba obezbijedi nesmetan prolazak vozila policije, hitne pomoći i vozilima vatrogasne službe. U istom članu propisano je da organizator može obavljanje redarskih poslova povjeriti Agenciji za zaštitu ljudi i imovine.

Članom 11. propisane su obaveze rukovodioca javne priredbe koji je dužan preduzeti mjere radi osiguranja reda i mira na javnoj priredbi, kao i dužnost da prekine priredbu ako nastupi stvarna opasnost za sigurnost učesnika i imovine.

Član 12. propisuje dužnosti redara kojeg organizator odredi, a to su da vrši poslove održavanja reda i mira na javnoj priredbi. Redar je dužan štititi učesnike i imovinu koja se nalazi na prostoru na kojem se održava javna priredba.

Redar je dužan zadržati i odmah predati policiji učesnika javne priredbe, kao i osobu koja se kreće prema mjestu održavanja javne priredbe, a koja nosi oružje ili predmete pogodne za nanošenje tjelesnih povreda. Dužnost redara je da za vrijeme obavljanja redarskih poslova nosi prsluk fluorescentne boje sa vidljivim natpisom, a redaru je zabranjeno nošenje oružja i predmeta koji su pogodni za nanošenje tjelesnih povreda.

U članu 13. propisane su obaveze policijskih službenika

Poglavlje IV - Prekidanje javne priredbe

Članom 14. propisane su situacije kada policijski službenici mogu da spriječe ili prekinu javnu priredbu, kao i obaveze rukovodioca javne priredbe u slučaju kada dobije naredbu od strane policijskih službenika da se javna priredba mora prekinuti, pri čemu je dužan učesnicima javne priredbe saopštiti da je javna priredba prekinuta i zatražiti da se mirno raziđu.

U članu 15. propisana je zabrana učesnicima priredbe unošenja oružja, opasnih predmeta i alkoholnih pića na mjesto gdje se održava javna priredba, te obaveza učesnika da moraju postupati po uputama organizatora, rukovodioca i redara javne priredbe, a članom 16. propisana je odgovornost organizatora javne priredbe za naknadu štete koja nastane na objektima i prostorima na kojima se održava javna priredba.

Dio treći - Prekršajne odredbe

U ovom dijelu (član 17.) određene su kazne za počinjene prekršaje za organizatore javne priredbe - pravno lice koje se kreću u rasponu od 3.000 do 9.000 KM, a za fizička i odgovorna lica u pravnom licu u rasponu od 500,00 do 1.500 KM.

U članu 18. određene su kazne za rukovodioca javne priredbe koje se kreću od 500,00 do 1.500 KM, u slučajevima da ne postupi po odredbama člana 11. stav (2) tačka a) i b), te ako učesnicima javne priredbe ne saopšti da je priredba prekinuta i ne zatraži od istih da se mirno raziđu (član 14. stav (3)).

U članu 19. propisane su i novčane kazne za prekršaj koje počine redari za ne preduzimanje mjera određene ovim zakonom koje se kreću od 200,00 do 600,00 KM.

U članu 20. propisane su kazne za učesnike u iznosu od 200,00 do 600,00 KM, u slučajevima da fizička lica kao učesnici javne priredbe postupe suprotno rješenju policijske stanice o zabrani održavanja javne priredbe, da učesnici javne priredbe postupaju suprotno odredbama člana 15. ovog zakona.

Dio četvrti: Prijelazne i završne odredbe (član 21. do 22.)

U prijelaznim i završnim odredbama propisano je da svi postupci koji do dana stupanja na snagu ovog zakona nisu pravosnažno okončani završit će se po odredbama zakona koji je bio u primjeni u vrijeme donošenja ovog zakona i stupanje na snagu zakona.

IV POTREBNA FINANSIJSKA SREDSTVA

Za donošenje ovog zakona nije potrebno obezbjediti dodatna finansijska sredstva u budžetu Kantona.

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

| | | |
|---------|--------------------|--|
| | <small>KOD</small> | <small>NAZIV</small> |
| Razdjel | 15020001 | MINISTARSTVO UNUTRAŠNJIH POSLOVA ZENIČKO-DOBOJSKOG KANTONA - UPRAVA POLICIJE |

B 2. Osnovni podaci o prijedloqu propisa

| | | | | | | |
|---------------------------|----------------------------------|----|-------------------|----|------------------------------|----|
| Vrsta propisa/akta | Zakon | DA | Odluka | NE | Strategija | NE |
| | Uredba | NE | Drugi akti | NE | Drugi akti planiranja | NE |
| Naziv propisa/akta | NACRT ZAKONA O JAVNIM PRIREDBAMA | | | | | |

C 3. Izjava o nepostojanju dodatnih fiskalnih efekata predloženog propisa

Donošenje i usvajanje Nacrta Zakona o javnim priredbama neće rezultirati fiskalnim posljedicama na Budžet.

D 4. Pečat i potpis odgovornog lica

Policijski komesar Rusmir Šišić

Mjesto i datum

Zenica, 24.04.2023. godine

36





383

Broj: 07-02-6986/23
Zenica, 04.05.2023. godine

| | | | |
|------------------------|-----------------------|------------|------------|
| Priloga: | | | |
| 9 05 2023 | | | |
| ORGANIZACIONA JEDINICA | KLASIFIKACIONA OZNAKA | REDNI BROJ | PROJEKCIJA |
| 08-02-06 | 4-02-1-1021-4 | 23 | |

MINISTARSTVO UNUTRAŠNJIH POSLOVA

PREDMET: Mišljenje na Nacrt Zakona o javnim priredbama - *dostavlja se*

Ministarstvo finansija je razmotrilo Nacrt Zakona o javnim priredbama, koji je dostavljen na mišljenje uz akt Ministarstva unutrašnjih poslova Zeničko-dobojskog kantona, broj: 08-02-06/1-02-1-1111-2/23 od 26.04.2023. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 42. stav 1. Zakona o budžetima u Federaciji BiH, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

U tački IV Obrazloženja Nacrta Zakona o javnim priredbama, navedeno je da za donošenje ovog zakona „nije potrebno obezbjediti dodatna finansijska sredstva u budžetu Kantona.“

U Izjavi o fiskalnoj procjeni – obrazac IFP-NE od 24.04.2023. godine, navedeno je da „donošenje i usvajanje nacrta Zakona o javnim priredbama neće rezultirati fiskalnim posljedicama na Budžet.“

Imajući u vidu navedeno obrazloženje Nacrta Zakona i dostavljenu Izjavu o fiskalnoj procjeni, u kojima je navedeno da za donošenje Nacrta Zakona „nije potrebno obezbjediti dodatna finansijska sredstva u budžetu Kantona“, te da „neće rezultirati fiskalnim posljedicama na Budžet“, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbjediti samo Ministarstvo unutrašnjih poslova, kroz uštede ili unutrašnje preraspodjele sredstava.

Napominjemo, da Ministarstvo finansija ne snosi odgovornost za pravna rješenja predložena od strane obrađivača u dostavljenom Nacrtu Zakona.

S poštovanjem!

Dostavljeno:

1x Naslovu,
1x a/a.



MINISTRICA

Dženana Čišija



Bosna i Hercegovina
Federacija Bosne i Hercegovine
ZENIČKO-DOBOJSKI KANTON



MINISTARSTVO ZA
PRAVOSUĐE I UPRAVU
Bosna i Hercegovina
Federacija Bosne i Hercegovine
ZENIČKO-DOBOJSKI KANTON
Ministarstvo unutrašnjih poslova
Ministarstvo unutrašnjih poslova

Ministarstvo unutrašnjih poslova

n/r ministra
-ovdje-

| | | | |
|---------------------------|-----------------------|------------|--------------|
| Prilijepiti: 31. 05. 2023 | | | |
| ORGANIZACIONA JEDINICA | KLASIFIKACIONA OZNAKA | REDNI BROJ | BROJ PRILOGA |
| | | | |

UPRAVA POLICIJE
Prilijepiti: 31. 05. 2023
ORGANIZACIONA JEDINICA: KA
KLASIFIKACIONA OZNAKA: KA
REDNI BROJ: 02-1
BROJ PRILOGA: III-
Bosna i Hercegovina
Federation of Bosnia and Herzegovina
ZENICA-DOBOJ CANTON
MINISTRY OF
JUDICIARY & ADMINISTRATION

Zenica, 22.05.2023. godine
Naš broj: 06-04/2-02-6986-1/23

PREDMET: Nacrt Zakona o javnim priredbama, -mišljenje, dostavlja se

Veza vaš broj: 08-02-06/1-02-1-1111-2/23 od 26.4.2023. g. 08-02-06/1-02-1-1111-3/23 od 09.5.2023. g.

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj 10/15 i 8/22), i članom 31. stav (1) tačka b) Poslovnika o radu Vlade Zeničko- dobojskog kantona („Službene novine Zeničko- dobojskog kantona“, broj: 10/21), te na osnovu uvida u tekst u Nacrta Zakona o javnim priredbama (u daljem tekstu: Nacrt Zakona) dostavljenog aktom veze, u postupku pravne analize Nacrta Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15 i 8/22), daje se

MIŠLJENJE

Ministarstvo za pravosuđe i upravu Zeničko-dobojskog kantona (u daljem tekstu: Ministarstvo), s aspekta svoje nadležnosti, nema primjedbi na dostavljeni Nacrt Zakona, uz napomenu da uz korigovani akt nije dostavljeno obrazloženje istog.

Ministarstvo je obavilo usmene konsultacije sa predstavnikom Ministarstva unutrašnjih poslova, u vezi sa dostavljenim aktima.


Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Nacrta Zakona, Ministarstvo ne snosi odgovornost.

Poštovanje,

Dostaviti:

1 x Naslovu

1 x a/a



MINISTAR
Edin Hasaničević
Edin Hasaničević



Bosna i Hercegovina, Zenica, Kučukovići br. 2
telefon: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba



SEKRETARIJAT ZA ZAKONODAVSTVO

SECRETARIAT FOR LEGISLATION

Broj: 03-02-6986-1/23

Zenica, 12.05.2023. godine

MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA

15. 05. 2023

| BR. DOK. ZA | POSREDOVANJE | POSREDOVANJE | POSREDOVANJE |
|---------------------------|--------------|--------------|--------------|
| 08-02-06/1-02-1-1111-3/23 | 02-1 | 1111 | 4/23 |

02-08

PREDMET: Mišljenje o Nacrtu Zakona o javnim priredbama - dostavlja se
- Veza Vaš akt broj: 08-02-06/1-02-1-1111-3/23 od 09.05.2023. godine -

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine FBiH“, broj: 8/96 i „Službene novine Zeničko-dobojskog kantona“, broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), te na osnovu uvida u tekst Nacrta Zakona o javnim priredbama, koji je aktom Ministarstva unutrašnjih poslova, broj: 08-02-06/1-02-1-1111-3/23 od 09.05.2023. godine, zaprimljen u Sekretarijat za zakonodavstvo dana 11.05.2023. godine, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni osnov za donošenje Nacrta Zakona o javnim priredbama (u daljem tekstu: Nacrta zakona) je pravilno utvrđen.

Nacrta Zakona je usklađen sa pravnim sistemom i urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj 5/08).

Shodno navedenom, stekli su se uvjeti za davanje mišljenja na osnovu člana 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 10/21) i upućivanje Nacrta zakona u dalju proceduru.

Dostavljeno:
1x Naslovu,
1x a/a.

